

漢名臣傳

冊一上



內閣文庫		
三八函架	二三〇五冊號	漢書類

內閣文庫		
三九	二三	漢

內閣文庫		
番號	漢	2305
冊數	160 (157)	
函號	290	43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





漢名臣傳卷三十一

李紱 顏希深 彭啟豐 劉吳龍

何國宗 曹秀先 吳紹詩 曹順

李紱列傳

李紱江西臨川人康熙四十八年進士選庶

吉士散館授編修累遷行講學士五十四年

充武會試副考官五十六年充

日講起居注官尋充雲南鄉試正考官五十

七年九月充武會試正考官十二月奉

漢名臣傳卷三十一

命祭告南海五十九年六月充浙江鄉試正
考官九月擢內閣學士十二月遷左副都御
史仍兼學士六十年二月充會試副考官榜
發下第舉子壅至綬寓喧鬧匿不奏爲御史
舒庫所劾革職發永定河工効力雍正元年
正月
特旨給還原職署吏部右侍郎尋充
經筵講官六月
命赴山東催漕七月遷兵部右侍郎九月奉

命截留湖南等稻漕糧于天津收漕二年二
月督運抵通得

旨嘉獎四月授廣西巡撫八月奏言廣西賀
縣界大金蕉木兩山產礦砂五里外爲廣東
梅尚汛又數里爲宿塘寨礦徒蟠據時時竊
發臣抵任後擬嚴禁聞督臣孔毓珣條陳開
採恐傷協恭之誼因而中止近經平樂府報
稱礦徒二百餘流入蕉木山知縣會同富賀
營守備千總三路驅逐始退又聞廣東連山

漢名目傳卷三十一
縣宜善司巡檢以梅崗宿塘等處礦徒梁二
等聚集多人汎兵子弟往附勢難防緝願罷
職歸臣思開礦甚有關係目下卽幸無虞將
來或恐滋事

諭曰礦砂之利窮民私採猶當禁之何況明
目張膽而行之者此中利害朕甚知之今既
聚眾自稱頭目是斷不可一日姑容少寬禁
捕今將批諭孔毓珣之旨抄錄示汝汝等可
協力設法嚴禁永令地方無此等事方好須

再三畱心籌畫而爲之慎勿輕忽孟浪凡事
悉如此據實入奏纔是此奏朕甚嘉之如宜
善司巡檢所言卽使太過朕亦樂聞而不加
責也諸如此類何妨預防于未然耶十月疏
陳練兵事宜一先定操地次定操期嚴賞罰
一陣法各有所宜四門方陣止可施于平原
曠野而廣西援勦嘗在山溪之間背山而戰
用一字陣山曲用三才陣夾溪用雙龍陣八
面受敵用八門陣四圍合攻用圓陣亦曰風

雷掃地陣羊腸鳥道用山路連環陣宜令演習如式一兵丁無論馬步各帶腰刀然馬上步下宜知用法一猺獠土苗所用烏鎗較營鎗更長可及百五十步惟炮可以制之五子炮施放便利宜增製一山賊不時出沒調兵勦於帳房鑼鍋宜豫備

諭曰畱心武備殊屬可嘉但須實力行之方有成效先是康熙五十三年廣西巡撫陳元龍奏准開捐五十五年停止共捐穀百十七萬八千餘石至是綏奏言臣聞開捐之始每石折收銀一兩一錢發州縣買貯止三錢而穀價常在三四錢以上勢難購買率以價銀遞相交盤歷任撫臣貴州縣買補臣抵在嚴催尙欠四萬餘石請寬限一月補足免將現在州縣官叅劾得

旨俞允會提督韓良輔條奏墾荒六事

命綏議行綏疏言經費有出然後開墾可行廣西捐穀備積于桂林柳州梧州南寧四府

久貯恐致朽蠹請卽動支爲開墾費

論曰朕觀李紱之意不過爲開銷廣西昔年捐納穀石之計此項捐穀原係陳元龍經手其間有名無寔首尾不清之處甚多朕知之最悉此時李紱難于料理故借開墾之名以爲開銷虧欠之地可着陳元龍等往廣西將此項徹底清楚倘有不清着李紱據寔奏至墾荒諸款皆巡撫職所應爲之事不必瑣瑣陳奏十二月

諭曰捐穀一事李紱務須徹底清查如有虧空卽著落陳元龍等辦理清楚此事原屬舊案與李紱無涉伊若以從前未經查清卽卽隱諱瞻徇是將他人虧空認爲已有後經發覺罪皆歸于伊身紱因疏忝當日收捐穀價數倍于正項請將管捐之布政使今任福建巡撫黃國材等質問

詔許諸臣將分肥寔情供奉免其治罪並令國材解任赴質嗣審明督撫司道府廳共分

肥銀八十二萬四千七百餘兩勒限分賠有
差
諭曰爾于此事秉公執正寔屬可嘉初紱署
吏部侍郎因議敘年羹堯于富等捐造營房
一事不肯從優爲羹堯所嫉及奉
旨天津截漕估變米價盈餘銀五千兩交守
道桑成鼎貯庫紱赴廣西成鼎以原銀解交
紱以事屬直隸因具摺送直隸巡撫李維鈞
會奏維鈞匿不以

聞三年二月紱據寔陳明

諭曰此一事大奇乃伊等誣捏欲傾陷汝也
年羹堯來京陛見時奏汝巧取此項適李維
鈞亦在都中朕因不信其言向李維鈞降旨
云李紱斷不爲此舉李維鈞解會朕意卽回
奏云李紱原全吞論理此項伊可以入已
伊因路遠止取數百兩作盤費其餘未經交
發仍爲伊封好收貯在彼但伊應將此項奏
聞纔是朕隨諭李維鈞旣如此爾應寄字詢

問看李紱作何回覆此彼時之言也殊不知伊等蓄意如此朕今始洞悉矣爾若根基不牢則已墮其術中大約皆係年羹堯之所指使但此等作爲朕頗不解其意何居鄙哉小人寔爲可愧前項既經伊等送到粵西朕又已了然明白可卽晉充公用是月以審擬生員陳爲翰毆斃何壯深一案擬絞候部駁仍照前具題部臣改爲斬候奉
旨著九卿等會同詳議尋議應如紱所擬從

之四月奏言南寧思恩太平三府屬土司界連安南土夷劫掠成習伊國王未必盡知應行令自行禁戢但摠督有行文安南之案而撫臣並無舊案可稽督臣遠駐廣東文書往還需時請嗣後遇土夷爭奪細故一面咨會督臣一面卽行文安南庶事可速消

允之六月奏言太平思恩府界流言安南內亂奸徒潘騰龍冒認莫姓子孫其黨黃把勢陳亂彈等以護送歸國爲名互相煽誘臣嚴

漢名目傳卷三十一
飭文武員弁查拿拏治

諭曰所奏已悉封疆之內極宜整理振作至于安邊柔遠最忌貪利圖功須當慎之又慎八月疏言柳州府轄二州十縣地廣事繁賓州上林等州縣獠獞錯處請改賓州爲直隸州轄附近之上林來賓遷江武宣四縣其與柳州相近之七州縣仍歸府轄再梧州府治西南至鬱林州三百餘里請改鬱林州爲直隸州轄北流博白陸川興業四縣其與梧州

相近之五縣仍歸府轄又泗城土府及三江地方上林安隆二營請俱改歸泗城副將轄下部議行九月奏言獠獞頑梗修仁之十排天河之三疔尤甚劫掠積案疊疊修仁十排臣已捕獲渠魁三疔週八百里萬山重阻所種田在隘口外乘秋稼未收發兵守隘斷其收穫投到者許以免死其爲首八人現俱投到

諭獎其辦理得宜旋授直隸總督四年三月

抵任先是左都御史蔡珽荐其故吏已革知
縣黃振國起用爲河南信陽州知州巡撫田
文鏡劾振國貪劣不法綏由廣西來京

陛見奏言振國無罪文鏡以綏與振國同年
劾其袒護至是綏疏辯奉

旨訓飭五月廣西提督韓良輔等條奏雲南
廣西接壤貴州安籠鎮之土司及改流地方
均歸安籠鎮節制

詔綏前往與雲貴總督高其倬會議尋合疏

言雲南廣羅協廣南營廣西泗城協上林營
鎮安營距安籠鎮遠恐鞭長不及惟廣西安
隆一營較近但改隸後該鎮又須受兩廣總
督提督節制隔省咨呈未便均應照舊管轄
部議從之十月奏請增置隸河員天津州州
同青縣子牙河主簿各一隸天津道轄涿州
霸州州判吏目各一宛平良鄉固安永清東
安武清六縣縣丞主簿各一隸永定河道轄
北運河同知通判各一婁兒渡縣丞東陽村

主簿各一薊州灤州州判各一玉田縣縣丞
豐潤縣主簿各一隸通永道轄霸州清河吏
目一隸清河道轄又請將河間天津所屬旂
民案件改歸新設之天津理事同知轄部議
如所請十一月奏言在京部科及直隸藩臬
等衙門向有積年書吏盤據招搖役滿雇人
承辦仍陰主其事謂之缺主臣遵
旨嚴查逐令出境並飭各州縣毋許容留一
人但訪得部科缺主尚有潛居通涿昌平等

處者請

勅部科諸臣查開姓名移咨一併驅逐得
旨俞允尋奏言各省候選訓導之歲貢前經
田文鏡奏請預行驗看臣思廩生必二三十
年而後出貢又三十餘年而後選官亦未必
俱能得選現在驗看未老人員至得選時已
老豈能懸斷其可否供職且教職領憑必經
巡撫考驗又何必預驗于十年二十年之前
徒令窮老寒士奔走跋涉廢業失館請將此

例停止

上以其識慮卑淺

訓飭之十二月

諭曰爾自被擢用以來識見寔屬平常觀人目力亦甚不及朕但取爾秉彜之良直率之性而已凡朕一切誨諭如果傾心感服將來智慮自當增長擴充若硜硜固執鄙見妄自矜高不但終見棄于朕恐將來噬臍莫及爾其欽承毋忽會御史謝濟世疏劾田文鏡及其

黃振國事

諭曰李紱自廣西來京陛見卽奏田文鏡叅劾黃振國及汪誠邵言綸甚爲冤抑張球居官聲名甚劣田文鏡並不糾叅且言黃振國此時已爲田文鏡監斃滅口未幾黃振國從河南解赴來京依然無恙不知李紱受何人意指而捏造此不稽之言敢于冒昧陳奏也至田文鏡所叅黃振國各案朕差侍郎海壽史貽直到豫已審訊明白定擬具奏其張球

一、案田文鏡早經認罪，請罪部議。亦于張球誣盜案內，將田文鏡處分。至汪誠邵言綸，皆係庸劣不堪之人。田文鏡奏處並無冤抑。乃謝濟世所言黃振國、張球、邵言綸、汪誠等事，乃與從前李紱所奏一一脗合。朕思封疆大臣能為國家寔心任事，即為國家棟樑。朕之股肱，若不保護而受人傾陷，則朕何顏對天下封疆大臣乎！此種結黨營私、排擠傾陷之惡習，不可不嚴加惩治。是以令內閣九卿等公同研究謝濟世所奏各款，皆茫無憑據。俯首無詞，則其受人指使情弊顯然。謝濟世既自命為報効國家之人，著革職令往阿爾台軍前効力贖罪。此案亦免深究。尋召紱來京，補工部右侍郎。五年二月，署廣西巡撫。韓良輔奏天河縣獄內拘禁莫東旺一名，係李紱批飭柳賁追賍結案之犯。遷延一載，尚未發落，致蠻獠糾眾劫去。得旨著李紱明白回奏。尋奏稱莫東旺一案經

海各目傳 卷三十一
臣審結卽赴直隸新任其因何遲延一載尙未發落之處無由得知

諭曰舊令尹之政必以告新令尹古人于罷官之後尙以國事爲念豈有李紱身任總督不將此事明白付交接任之巡撫囑其早行完結之理著交部察議尋

諭曰雲貴總督鄂爾泰會奏稱廣西泗城土司甚屬不法請飭廣西巡撫提督懲治朕會降旨詢問韓良輔據奏請往雲南與鄂爾泰

面加商酌朕思此事甚有關係非韓良輔與鄂爾泰面議不可昨都察院奏原任廣西州判程旦控告土司羅文剛一案羅文剛糾眾肆惡吞噬十一村落竟敢與官兵相抗不容設立塘汛李紱身爲封疆大臣遠巡畏縮苟且彌縫但爲掩飾一時之計而于地方之利害民生之休戚毫不關心甘汝來時爲臬司亦因循怠忽不能整頓昨令廷臣詢問二人俱俯首無詞李紱甘汝來相繼爲廣西巡撫

著二人前往廣西辦理土司之事從前疎縱之兇徒羅文剛等着卽交與李紱甘汝來速行檢拿不得容其免脫韓良輔前往雲南時李紱一同前往李紱甘汝來負朕擢用深恩今加寬宥容其効力贖罪務將廣西境內不法之苗夷與地方不法之奸民悉心料理俾盡草凶頑遵奉國憲以安良善以靖地方倘疎縱之羅文剛等不能擒獲及伊等料理土司之事虛文掩飾以卸目前之責將來仍有

兇苗妄行干犯王章者定將李紱甘汝來從重治罪如曠賊盤據兩廣之間兩省官員互相推諉以致宵小肆行良民時受其擾著李紱甘汝來會同阿克敦將兩省疆界一一清查分別防範管理使汎地各有專責匪徒無計潛藏毋得仍前怠忽自干重罪三月紱由廣西赴雲南與鄂爾泰等酌籌粵黔分界泗城改流等事會直隸總督宜兆熊等疏奏原任大名府知府會逢聖原任清宛縣知縣王

游麴空錢糧

上以二人均級所保荐令明白回奏閏三月
戶部議覆級在總督任內奏懷來縣倉廩坍
塌小民竊食顆粒無存之處應行令確查
諭曰官倉米數至六千餘石之多豈有小民
敢于私取竟至顆粒無存之理明係李級有
意市恩庇護知縣借口巧于開脫今部議行
令確查與李級本意不合可卽將米石令李
級補賠以成就其市恩之意八月宜兆熊等

復叅大城縣知縣李先枝私派累民

諭曰李級任直隸總督時將李先枝題陞天
津州知州朕調來引見看其人甚屬庸常故
令仍回知縣原任今以私派被叅劣款現有
明據管見科甲出身人員多貪緣黨庇之惡
習而貪贓枉法者尙不多見今李先枝目無
國法公然私派科歛苦累小民寔爲科目中
之匪類而李級乃敢在朕前特荐題補天津
要缺是李級不但有心袒護且必有暗受李

先枝請託之處著將李先枝革職拿問其私
派情由該督等一併嚴密定擬再將如何請
託李紱之處究出具奏李紱受朕深恩不思
報効敢于營私欺罔甚屬可惡著革工部侍
郎職前因廣西貴州查勘疆界及於拿羅文
剛二案將李紱發往廣西彼時降旨若不能
拿獲羅文剛卽將李紱在廣西正法今羅文
剛已經緝獲是李紱在廣西無可辦理著衍
文令李紱來京現在應行質問案件甚多且

李紱會在朕前奏稱蔡珽爲人粗疎鹵莽則
有之若貪婪不法之事臣可保其必無今蔡
珽諸事敗露在四川任內受賄貪贓劣蹟昭
著李紱敢于庇護私黨在朕前妄奏此處亦
應審問十二月議政大臣等會議紱罪凡二
十一款私受門生大城知縣李先枝請託妄
爲保題徇顧師生罪一將貪婪無厭之蔡珽
保奏固結黨援罪二袒護同知黃振國及息
縣知縣邵言綸固始縣知縣汪誠密奏被叅

漢名目傳卷三十一
冤抑又捏稱田文鏡欲致死黃振國滅口罪
三蠻種莫東旺一案不早結致劫獄罪四天
津道葉前係不應送部引

見之員故違

諭旨送部罪五奉

旨天津建造營房漠不關心任意遲延罪六
擅將不應離任之通永道高鑣等題請離任
另補罪七將庸劣之廣西上林縣知縣柏宏
暫發行特荐罪八所解慶豐司羊毛等項不

據寔查明混爲咨覆罪九奏請帶往廣西之
都司岳咨縱兵串通礦賊奉

旨詢問並不認罪罪十西隆州土目王尙義
等歷爭歪柴等寨並不早結罪十一明知清
苑縣知縣王游虧空不查叅反飭阜城縣知
縣陸篆交代勒逼出結又密奏王游爲直隸
第一好官罪十二擅增直隸兵米價值罪十
三順義等十八州縣靜海等二十七州縣虧
空錢糧擅批豁抵罪十四與蔡珽表裏爲奸

漢名臣傳卷三十一
奏大名府知府曾逢聖操守並無不好罪十
五收受直隸守道桑成鼎銀五千兩巡撫李
維鈞銀一千二百兩罪十六被忝清苑縣知
縣姜任修發審申供不嚴究罪十七上年田
文鏡奏報豫省糧船正月出境李紱妄奏偶
遇大水僥倖出境將來恐未必能及今年糧
船出境更早又稱誤聽人言罪十八與布政
使德明張适面奉
諭旨回奏時俱舛錯罪十九以故殺馬順之

楊四稱爲救父情急妄引鄭雄救母之例減
等罪二十不早除逆賊羅文剛致脫逃反忝
州判程且浮躁罪二十一律應斬決妻子財
產入官奉

旨李紱既知悔過認罪情詞懇切且其學問
尙好著草職從寬免死令在纂修入旂誌書
館効力行走其妻子財產入官之處俱著寬
免七年十月以謝濟世在阿爾台軍前供出
昔年叅田文鏡出于李紱蔡珽之授意

漢名目傳卷三十一
上召見廷臣令紱隨入

諭曰朕在藩邸懶于交接人所共知並不知
蔡珽李紱之姓名因馬爾齊哈通曉醫理常
在府中行走後補授清江理事同知朕問明
於醫理之人伊舉蔡珽以對朕因令其來見
而蔡珽辭以職居學士不便往來王府且醫
理粗淺不能自信朕聞其言深爲嘉許後年
羹堯來京力稱蔡珽才守識見寔超羣類朕
告以招之未來之故年羹堯因見蔡珽面言

而蔡珽仍堅辭如前朕是以更器重之次年
蔡珽補授四川巡撫時朕扈從避暑熱河蔡
珽以身屬外員行遠在卽向年熙轉求欲到
朕園中一見朕相見時則極稱李紱才品操
守爲滿漢中所少是時朕方知李紱姓名也
朕御極之初延訪人才以資治理因起復李
紱原官旋授侍郎又命辦理漕務旋授爲廣
西巡撫伊具摺密奏黃國材收捐積弊且稱
黃國材廣通聲氣其子弟親戚布滿朝列今

臣盡發其私必謀傾害朕諭以爾但公忠爲國朕必加恩保護豈料伊在朕前如此陳奏而暗中則爲黃國材事事周全其工于欺妄如此至署直隸提督徇私廢公沽名邀譽倉穀虧空則代爲隱免屬吏貪庸則曲爲庇護以致吏治廢弛人心玩愒又如塞思黑從西大通調回朕令暫任保定侯各督撫提鎮回奏到日再降諭旨未幾李紱奏稱塞思黑患病不數日奏報病故而姦邪黨與及庸愚無

知之人遂有朕授意于李紱而戕害塞思黑之誣語今李紱在此試問朕曾有示意之處否乎在塞思黑之罪原無可赦之理其從前之所以將伊暫留保定者蓋因阿其那允禩俱在京師其事未曾定案而邪黨眾多人心叵測不得不留意防範豈料伊遂伏冥誅而李紱並不將塞思黑自伏冥誅之處明白于眾以致啟匪黨之疑議則李紱能辭其過乎至田文鏡之在河南公忠爲國而李紱蔡珽

以其叅劾黃振國汪誠等遂極力陷害朋比
為奸指使謝濟世捏款誣叅欲冷言臣挾制
朕躬必遂其私怨而後已此風何可長也李
綏蔡挺著交部訊取確供入于謝濟世案內
歸結尋廷臣遵

旨訊級並請交刑部治罪得

旨寬免十三年八月

今上御極九月

命給侍郎銜管戶部三庫事十月補戶部左

侍郎仍管三庫十一月奏言近來督撫諸臣

往往疏請揀發人員備任使而候選之員亦
藉之以僥倖躐進及赴該省缺少人多有四
五年不得官者多羈縲失所而九卿驗看又
不過取辦俄頃別無考驗之法且揀發分發
變簡為煩徒費章疏應請停止疏下部議除
雲貴川廣需人仍准題請揀發餘省概停從
之乾隆元年正月奏請增派翰詹科道磨勘
試卷得

言允行五月以保舉新進士過多又在朝班
囑九卿保舉奉

旨詢問綬奏臣多言滋事今凜承

天語訓誨永絕妄言

諭曰朕卽位以來並未有因臣工多言卽加
以處分者今李綬明係妄舉乃自謂妄言避
重就輕希圖朦混著交部嚴加察議尋議降
二級調用十一月補詹事十二月充三禮館
副總裁二年五月

遷祭夏禹王等陵十月丁母憂六年三月充
明史綱目館副總裁尋補光祿寺卿六月充
江西鄉試正考官八月授內閣學士綬平日
講學謂朱子道問學之功居多陸九淵尊德
性之見爲卓

上躋其言八月以病致仕

陛辭

上問有所欲陳否綬以愼終如始對

賜以詩曰

漢名臣傳卷三十一
三朝曾侍陛七十竟懸車進退誠無忝邱園
信有諸病餘宜樂志老去向耽書素烟依闥
魏高年息闔廬學嘗兼慕陸節應上同蘇尤
喜臨辭闕嘉謀寔起予十五年卒孫友棠原
任工部右侍郎

顏希深列傳

顏希深廣東連平州人由貢生捐同知乾隆
十四年選授山西太原府同知十七年遷山
東泰安府知府二十五年調濟南府遷山東
督糧道二十七年五月遷四川按察使入

覲

諭曰希深母年老尙欲隨任赴川伊亦不
敢奏請改補近地母子俱知大義情寔可嘉
轉用惻然顏希深著調補江西按察使十二
月疏請卓荐保舉赴部引

見人員照各省路程定限逾者查議部議從
之又奏言江西考核運滿守備千總由糧道
山東則由藩司五年軍政江西衛所守備千

總糧道與藩司各出考語冊送漕撫二臣山東惟運糧干總歸糧道出考衛守備俱歸藩司辦理臣思衛所干總守備所司倉丁押運監造諸事悉糧道專管稽察最切近藩司衙門衛弁交涉事少請嗣後俱照江西例辦理部議運弁甄別藩司會同糧道考核五年軍政如希深請他省均視此得

旨允行二十八年六月疏言正六入等月例不行刑但接奉央因部文轉行甚急若至州

縣適當正六入等月勢必停置匝月州縣衛署逼近監獄釘封文到鬩動耳目恐致踈脫臣思臬司為刑名總滙州縣道里按籍可稽請嗣後臬司奉到部文計出停刑日期專差馳遞到日州縣可即奉行下部議行十月遷福建布政使疏請督撫二司奏事俱由驛遞上賁之三十二年正月調江西布政使二月丁母憂三十四年服闋仍授江西布政使三十五年十月疏言各省鄉試外簾例設受卷



漢名目傳卷三十一
彌封膳錄對讀章卷五所調用州縣官十餘
員撤棘始出州縣官身膺民社八九月間正
值征收糧漕請嗣後所管事竣陸續出關回
任下部議行三十六年丁父憂三十八年九
月服闋來京

命馳往四川角木交一路同鄂寶辦理糧務
十二月補河南布政使仍舊軍營三十九年
二月疏言木池糧台因限于山勢營盤不能
與糧台毗連寔存駐守兵四十名臣札商杰

贊舒常添撥五十名將糧台山地開平安營
防護其後路各營臣會同黃岩鎮臣李時擴
曉諭官兵畱心守禦督將備官操演不但技
藝熟練而鎗聲遠近相聞亦可牽控賊勢
上深嘉之四月疏言軍報最忌洩漏律有舖
司折動原封之條該管官無處分明文懇
勅部嚴定處分

報可五月疏言綽斯田布逆賊境狼運緊要
前奉

漢名目傳卷三十一
論旨令習練夫役持械防護臣現操演兵夫
飭糧員置戈茅令壯夫結隊護運使賊無從
窺伺又疏言角木交一帶密箐深林賊借以
藏身臣飭斬伐林木使附近賊稠有徑可通
處毫無遮蔽所伐木周布夫役棚房安柵借
備竊發其呀嚼周叟等站亦一体辦理兩疏
入

上嘉之六月

賞戴花翎時木池站不戒于火燬火葯五萬
一千餘觔希深具疏請罪並請與鎮臣李時
擴等分賠四十二年二月擢湖南巡撫六月
奏湖南正佐各官多調署別缺更有苗疆人
員亦署內地缺吏目典史例不出差湖南則
屢差委更替現俱查明釐正以專責成
上是之八月奏請于省城設普濟堂收養老
民四十二年三月遷兵部右侍郎四十四年
轉左四十五年二月署貴州巡撫三月調署
雲南巡撫四月署貴州巡撫七月卒

漢名目傳卷三十一
彭啟豐列傳

彭啟豐江南長洲人雍正五年一甲一名進士授修撰入直

南書房七年閏七月署

日講起居注官充河南鄉試副考官十年充
寧南鄉試正考官十三年二月遷左中允六

元江西鄉試正考官十月充順天武鄉試

考官乾隆元年充山東鄉試副考官三年

遷侍講五年遷右庶子六年六月充江西鄉

試副考官七月遷侍讀學士九月遷右通政

尋遷左都御史十一月疏言臣由江西驛路

經宿州州境蒙

恩賑恤水災知州許朝棟不寔心經理饑民

戶籍六七口僅登記三四任甲長胥吏索取

報冊錢鳳陽知府梅疏健並不到厥親查

勅下兩江總督那蘇圖查奏尋奏覆許朝棟

照料不周已飭員前往協辦七年遷通政使

提督浙江學政十一月條陳學政事例一請

定條對經義畫一章程乾隆元年

諭令學臣于歲科考試文藝後就四經中舊說異同別彙處摘錄發問依義條對後陝西學臣嵩壽奏請于四書經義外摘錄本經四五行令作講義大都敷衍塞責且既試條對又作講義亦屬繁複請嗣後不用講義欽遵諭旨

御纂諸經中專取先儒異同令其條對一請嚴甲商濫保商童之例查浙省商童由監道錄送學政衙門收試雖有廩保商結爲憑往往招別籍之人冒考頂替請嗣後甲商如有混保冒籍入場者照不應律治罪一請隨場出題考試歲貢查向例考貢之年出題一次考究將卷彙齊送部伏思先後一題則考過一棚凡陸續赴考者預知題目皆可宿購請嗣後各屬就近送考隨時命題不拘先後一題例庶得各展所長一鄉場對讀不敷請兼用四等武生查鄉場對讀例用五等文武生

浙省科場需用二百名不敷則用樂舞生或
臨期招募臣思考居四等原無不許鄉試之
例四等文生有碍場期固難對讀若四等武
生鄉試在十月中並無妨碍請嗣後各省如
五等生員不敷對讀兼用四等武生俟對讀
後免其錄遺准入武場鄉試當亦踴躍從事
下部議行十二月遷左副都御史八年遷內
閣學士均曾留學政任十月擢刑部右侍郎
十年四月疏陳浙省利弊四事一浙省山高

水駛猾吏奸民侵佔蓄水之湖浪水之溝以
爲田地上年藩司潘思榘疏請禁佔官湖部
議除已報墾地畝餘蓄水處劃界限不許再
垦然如餘杭南湖發源天目注苕下灌杭嘉
湖三郡自前撫朱軾加意濬治今以沙淤其
他會稽餘姚慈谿等湖皆僅存其名請

勅督撫次第開濬一江南漕米每石收費五
十四文半給運丁半歸州縣爲修倉鋪墊人
工飯食紙張以及折耗等費浙省杭嘉湖運

漢名目傳卷三十一
丁設有漕截一項由州縣徵給而州縣漕費
並未議及收漕賠累爲苦每石漕米私加一
二升至五六升蠹役乘機竊取運丁嚇詐勒
加請

勅漕臣援江南例每石收錢二十四文爲州
縣修倉鋪墊等費嚴禁浮收一浙江額設均
平夫銀供夫役差徭之用差簡可以敷用差
繁每苦賠墊

欽差馳驛官員照勘合定數易以應付本省
官員來往吏役任意多索或卽折銀請

勅兵部按官員大小差使煩簡核定人夫名
數俾州縣有成例可遵一浙省黃岩大平地
多斥鹵產鹽甚旺兵丁借端挨戶搜查稍有
食鹽存積多方嚇詐一不遂欲卽指爲私煎
私售甚或並數家數人之鹽湊數扳誣祈
敕各省文武大臣禁兵弁借名搜緝指食鹽
爲私鹽下部議行尋丁父憂十五年五月授
吏部右侍郎八月提督浙江學政十八年調

兵部左侍郎二十年二月疏請終養得

旨昨因論臣工終養一事降旨宣諭今日稽璜彭啟豐各具摺呈請終養此奏若在降旨之前出自伊等至情迫切固當曲体允從之特以面聆朕訓感發天良則所請乃導之自朕而伊等本未有迫不及待之情此亦如禮部鄉賢在可准不可准之間其去留朕得而權衡之又當各視其人矣彭啟豐才本中平辦理部務亦屬竭蹶且伊係內廷翰林以文學爲職而上年扈蹕和詩視前遠遜所學日

漸荒落著照所請准其回籍終養二十六年十月署吏部侍郎二十七年四月報滿寔授五月

諭曰昨引見京察一等名員核之各堂官保列名單其中等第參差率不甚相遠惟吏部郎中阿敏爾圖各堂官俱列一等而彭啟豐獨列爲二等不免有心示異非偶然品題高下之比阿敏爾圖係滿洲世族朕習見熟知

伊果有出眾長才堪膺重任外而封疆內而
卿貳當已早經擢用豈尋常曹司必待蓄心
甄擇而定者况京察等次不過就本任職守
而言並非卽爲一生定評卽如阿敏爾圖在
部卽內安分供職而又能持正無私顧惜顏
面若選司之銓務銀庫之出入以該員素守
論之寔可信其無他彭啟豐之意不過以其
族望所在非特爲區別何以知其獨立不懼
彭啟豐人如其學學如其文亦從無一

言建白一事指陳乃欲于隨眾具摺之中小
示異同如此獨立誰則不能朕衡量人才如
各部院兼攝大學士尙書侍郎等亦祇令竭
其分各抒己見並不倚爲黜陟其間或同或
異原不加之責備試問吏部各堂官列阿敏
爾圖于一等是保爲封疆乎卿貳乎卽彭啟
豐之斤斤示異若此爲京察大典乎爲取巧
市名乎其事固不煩言而易曉第恐不能見
用之人妄生議論以爲卽如彭啟豐之不與

人同究可謂能自立崖岸或人謂因有此奏始有此旨中外得悉朕甄材用人之意然朕之勤政與否能識人與否二十年于此矣天下宜共悉固不待朕之朝綸暮綍以口舌化天下也六月充浙江鄉試正考官十二月遷左都御史二十八年六月遷兵部尚書充經筵講官三十年充順天鄉試正考官三十一年

諭曰史奕昂朕念其爲大學士史貽直之子

且曾任藩司辦事尙無貽悞服闋來京候補其階級與侍郎相等是以擢用兵部侍郎偶值名對之次諭及兵部大臣大學士尹繼善在軍機處行走不能每日進署記言年齒近邁且係初理部務彭啟豐又屬碌碌無能爲之人鍾音蔣樞亦未能練習部務汝與期成額尙屬辦事應隨處書心此原不過令其于日行事件稽核司員勤惰查察書役弊端而已乃伊恃有此諭遽爾沾沾自喜大言不慚

遂欲獨侵事權放恣自用竟似朕以部務專
任伊一人者昨期成額奏伊在部面斥彭啟
豐有不稱尙書只宜爲司員之語今詢之彭
啟豐堅稱史奕昂並無此言但其平日有願
爲外任之意及召詢鍾音則稱寔係共聞因
令彭啟豐面爲質對伊始唯唯承認史奕昂
此語本屬無稽彭啟豐亦何妨置陳不諱而
乃自居蘊蓄不言人過甘效唾面自乾則不
但選擇無能其居心並欠誠寔此又彭啟豐

之結習未除也史奕昂姑從寬降爲三品卿
銜令其回籍彭啟豐學問尙優辦事本非所
長今復意存積稜並不據寔奏對殊失大臣
之體史奕昂兵部侍郎員缺卽著彭啟豐降
補三十二年京察

諭曰侍郎彭啟豐才識拘牽服官竭蹶著以
原品休致三十六年詣

闕恭祝

孝聖憲皇后八旬萬壽

皇名臣傳卷三十一

壽

漢名目傳卷三十一
賜遊香山時

詔分大臣爲三班九老致仕者九人敕豐預焉四十年

上東巡啟豐迎

盩山東

恩賞給尙書銜四十九年卒

劉吳龍列傳

劉吳龍江西南昌人雍正元年進士改庶吉士二年十月揀選改授吏部主事累遷郎中

六年遷監察御史仍兼郎中事七年十月疏言吏部稽俸廳事向無專責請歸併稽勲司管理入旂承驗歸驗封司辦理下部議行十月轉刑科給事中八年疏言各省學政歲科試將歲貢造冊報部以訓導主銓名次先後或由教官申詳或學政書吏隨意繕寫吏部憑所開先後補用同年出貢冊開在先者得缺早後者守候多年請照恩貢拔貢例遇訓導缺出同年出貢者吏部堂官代爲掣籤

漢名目傳卷三十一
部議從之十年充廣東正考官尋轉禮科掌
印給事中十一年四月遷光祿寺少卿五月
授安嶽按察使十三年二月遷光祿寺卿八
月

命管理北路軍需事務乾隆元年四月

詔回任六月疏言北路軍需有運送科卜多
截留察漢叟爾等處應追腳價銀二萬九千
餘兩在車駝戶名下著追已追一萬四千九
百餘兩其未完者查明寔係無產無力請量

為豁免商人因公賠累情有可原者將承追
之冊核明原委分別定議得

旨允行十一月提督順天學政二月遷通政
使擢左都御史六年四月疏言步軍統領衙
門番役私用白役生事害民請照部院承帖
寫送查例將番役年貌籍貫按季造冊出具
並無圓扁子印結以憑考核提緝人犯官給
差票獲犯日番役向該管地方呈票驗明掛
號應緝之犯旗人會同該旗都統民人會同

順天府府尹巡撫御史訊取確供互相覺察
疏入議行六月劾浙江巡撫盧焯受賄營私
命副都統旺扎爾往會總督宗室德沛查審
得寔盧焯論罪如律九月擢刑部尚書七年
二月充會試正考官四月以疾請解任
命在任調理派醫診視尋卒

上諭曰劉吳龍質樸老誠操守廉謹敷歷中
外宣力有年今聞溘逝朕心深爲軫惻命散
秩大臣帶領侍衛往奠茶酒並賞帑銀五百

兩爲喪葬之用應得恤典著祭例具奏
賜祭葬如例諡清愨

何國宗列傳

何國宗順天大興人康熙五十一年進士改
庶吉士

丙廷行走學習算法五十二年五月

命御前校對九月彙編

御製律歷淵源十月授編修五十四年遷中
允五十六年三月充

漢名目傳卷三十一
日講起居注官四月遷侍講五十九年十月
遷庶子雍正元年五月遷侍讀學士六月遷
少詹事三年三月擢內閣學士七月
命閱視黃運河道四年正月疏請於戴村埧
增築石埧一五月奏言東昌府城南有七里
河口下歸徒駭河北有魏家灣河口下歸
馬頰河德州南有減水閘下歸老黃河皆運
河東岸洩水入海故道與大塩河小塩河爲
四支河各渠皆歸此四河以洩民田之水年

欠淤塞應挑濬

諭曰爾等特蒙朕之差委勤慎二字時刻不
容少間七月奏言山東汶泗泉源紆迴二千
餘里請設管泉通判一專司疏濬又言高家
堰以南石堤之上臨湖鑲墊葦柴高三四尺
不等但大堤頂寬八丈三尺鑲墊僅丈餘應
于柴工後將土堤一律加高于歲修案內逐
漸增修

諭曰何國宗議設管泉通判一員甚是著議

准行其高家堰加修堤工關係緊要若干歲
修案內逐漸增修恐致遲緩著照何國宗所
議卽動正項錢糧估計興修九月奏運河自
臨清以北賴衛水濟運而衛水發源百泉益
以丹河洹河其流始盛向例三日開閘濟運
一日閉閘灌田日久燮生至運河淺阻臣等
查勘百泉議分作三渠中爲官渠東西各一
爲民渠東口門寬五尺五寸西口門寬四尺
五寸小民灌溉有資亦無損于漕運洹河濬

金渠口外有石堰一上年水溢止露堰頂二
十丈餘坍入水將石堰拆去十五丈迎水入
渠今水消堰南淤成沙灘灘南有石橋一涵
洞四十有三請自東頭第十洞處許民于需
水灌田時自築石子堰北接沙灘灘東開小
渠一引水入渠其西三十三洞盡行疏濬無
庸折去石堰洹河之水自可一分灌田三分
濟運下部議行十二月充

經筵講官是月署山東巡撫塞楞額以州縣

供應國宗等應于何項開銷請

旨

諭曰前差何國宗等七人往山東查勘水道朕俱給與夫馬廩糧不使煩擾地方其遼路踏勘不通驛遞之處令州縣酌量應付今據塞楞額奏稱歷城等二十二州縣詳報供應欵差食物車馬等項用過銀兩無項可抵除德州泗水恩縣高唐聊城五州縣情愿將用過銀一千五百九十九兩自行捐備不請開

銷外其餘州縣用過銀七千六百二十餘兩應于何項開銷等語何國宗等查勘河道既已給與驛站夫馬廩糧其餘遼地之處地方不遠所費日用之費甚屬有限今覽塞楞額所奏各州縣應付將及萬金之多何國宗不惜地方物力負朕任使交部嚴察議奏尋議降三級調用五年十月補大理寺卿六年十一月遷內閣學士尋遷工部侍郎八年正月命同侍郎牛鈕督修北運河減水埧並濬引

河工程二月奏勘河西務城北老崖舊堤及
要兒渡舊河口魚鱗堤俱大溜頂衝宜保護
堅固方資捍禦請先撥銀二萬兩發通永道
辦料興工庶不貽悞

上嘉其合宜三月奏減水引河經原任通永
河道高鑿將堤門加寬四十丈則引河亦須
通身加寬舊引河南岸廢堤折去方爲暢順
但工作特久應先于新引河中間沿舊廢堤
開一深槽直達場河淀並將河口淤高及舊

河內淤淺開挖自然水流較暢再查場河淀
下口有陳家溝舊河一道東堤頭舊河一道
賈家沽新河一道計三河寬不及三十丈擬
于賈家沽新河旁再開洩水河一寬三十丈
方足暢流歸海得

旨允行是月又奏言三里淺險工應建挑水
堤一並將鷄嘴堤修整其堤灣回留處應修
排樁一路又筐兒巷堤門急溜汕刷應建挑
水小板堤一大板堤一順水排樁一路又孤

雲寺係大溜頂灣排椿損壞應修補西岸華
家口係舊河上口原有攔河坝一項衝汕刷
僅存靠堤陡岸壁立舊河地勢窪應修葺工
一段張家莊老莊刷去僅存月堤應建挑水
板坝一後接排椿火燒屯險工舊有排椿應
修補又上年水漫堤頂二十處應加合河
道動道庫歲修銀修濬估報水利營田衙門
詔如議速行九年四月兼河東摠河田文鏡
疏戴村向建玲瓏亂石滾水三坝汶水漲由

坝面滾入塩河歸海沙從三坝洞隙隨水滾
瀉冬春水弱築土堰滙流濟運自國宗等增
築石坝汎水漲發並尾閘洩水又無罅隙通
沙瀕河連年被患汶水沙淤有碍運道請拆
石坝仍修爲玲瓏亂石滾水坝得

旨何國宗勘議錯悞貽害地方著交部嚴察
議奏尋議革職乾隆二年

命充算書館總裁四年五月充國子監算學
摠管六年十二月充律呂館摠裁九年二月

詔給三品頂戴在樂部大臣內行走十月律
呂書告竣議敘加一級十二月授左副都御
史十年三月兼管欽天監正事十二年因議
御史馮鈐條奏含糊題覆降一級畱任十三
年六月遷工部侍郎二十一年正月

命同侍衛努三哈清阿率西洋人往伊犁測
量度數並繪地圖十月奏言由巴里坤分西
北兩路查勘臣努三從山後至伊犁將博羅
塔拉齊爾哈布塔克拜塔克瀚海等處勘明

繪圖臣何國宗哈清阿越托來嶺將博克達
額琳哈畢爾噶山及吐魯番伊拉克哈喇
沙爾等處南北度數測量自海都河上行由
裕勒都至小裕爾都斯哈布齊垓所至地方
繪圖復回至巴里坤將兩路地圖合繪呈

覽

報聞旋

命將諸部節氣及日出入時刻入時憲書十
一月署左都御史二十二年正月授禮部尚

何國棟
世學著賞給編修在

書四月因京察保送親弟何國棟照狗庇例
降二級調用旋得

旨何國宗年老龍鍾著革任五月

諭日何國宗罷職以來家居無事算法尙伊

世學著賞給編修在

尙書房行走二十四年遷內閣學士二十六

年遷禮部侍郎二十七年原品休致三十一

年卒

曹秀先列傳

天保三

